



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 69. Diversæ Sacrarum Congregationum decisiones.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Plettenberg Monasteriensis Episcopus Sæc. XVII.
A. C. 1688.
 suam celebravit Synodum, in qua præ-
 primis recitatæ sunt literæ Nuntii Apo-
 stolici Colonienfis, quibus significatum,
 Pontificem dolenter percepisse, quod
 multi Sacerdotes sub Missæ sacrificio
 fictitia coma utantur, hanc ergo cor-
 ruptelam Synodus iustulit. Die au-
 tem quarta Maij Gilbertus de Choiseul
 Tornacensis Episcopus rursus Synodum
 habuit, in qua Feriam tertiam Paschæ
 & Pentecostes, necnon Festum SS. Mag-
 dalenæ, Martini, Catharinæ, Nicolai,
 SS. Innocentium & Exaltationis S. Cru-
 cis abrogavit, festum vero S. Lauren-
 tii in Dominicam transtulit.

§. LXIX.

*Diversæ Sacrarum Congregationum
 Decisiones.*

Præter Constitutionem, qua Innocen-
 tius XI. Papa Italiæ Clero tres in-
 tegras decimas imposuit, nulla alia
 occurrit, plures tamen exstant Sacra-
 rum Congregationum decisiones a sum-
 mo Pontifice confirmatæ, & quidem
 die nona Januarii S. Rituum Congrega-
 tio declaravit, quod Sacerdos sæcula-
 ris, qui celebrat in Ecclesiis Regula-
 rium, in quibus fit de festo duplici,
 non possit ibi dicere Missam *de Requiem*,
 etsi

*Const. SS.
 Congr. Rit.
 Concil. Rot.*

Sæc. XVII. et si ipse agat de festo simplici. Exorto
 A. C. 1688. dubio in Ampuriensi Ecclesia circa electionem Pœnitentiarii, Sacræ Rotæ Judices die vigesima Februarii deciderunt, quod licet Tridentina Synodus in Canonico Pœnitentiaro non requirat præcise ætatem quadraginta annorum, nihilominus adhuc Gratia remaneat nulla, quando fuit concessa cum falsa narrativa præcisæ ætatis. Die autem sequenti Congregatio Concilii requisita respondit, quod si reperiatur injunctum, quod celebrentur quotannis Missæ triginta S. Gregorii pro defunctis in Ecclesia designata per Sacerdotem eligendum ab nominatim expresso, cui solvantur scuta decem vel duodecim pro eleemosyna, Capellanus Sacerdos sic electus teneatur per se ipsum celebrare, nec possit dare eleemosynam currentem alteri Sacerdoti, retento sibi, quod superest. Sacra autem Rituum Congregatio die decima tertia Martii Archiepiscopis & Episcopis Regni Neapolitani injunxit, ut Sacerdotibus Ecclesiarum suæ Diœcesis intiment, non esse dandum Evangelium ad osculandum Sæcularibus etiam Præsidi, usumque Baldachini, & assistentiam in Presbyterio esse prohibitam, interminata etiam Regularibus interdicti
 pcena.

pæna. Jam anno præterito Episcopus Asculanus coram Rituum Congregatione exposuit, quod Patres Franciscani Ducissæ Civitatis Asculanæ in Apulia usum genus flexorii, strati & Pulvinaris in sua aliisque ejusdem Urbis Ecclesiis (excepta Cathedrali) denegarint, ipsa autem quasi possessionem obtendens, mota lite in hoc jure conservari petierit. Eadem Congregatio præfata die respondit, non licere Ducissæ uti genus flexorio &c. in Ecclesiis Regularium, & Episcopus id prohibeat etiam juris remediis. Dubitatum fuit, an Regulares requisiti ab Agriculis, ut Agnos benedicant, & locustas &c. maledicant, S. Concilii Congregatio die vigesima octava Augusti respondit, id eis non licere absque Parochi licentia & cum stola. Denique eadem Congregatio die decima tertia Novembris decidit, quod Vicarius Capitularis sede Episcopali vacante non habeat facultatem concedendi Indulgentias, quas ceteroquin Episcopus vivens concedere potuisset. Regulares quoque Monialium Confessarii etiam extraordinarii, habeant ætatem quadraginta annorum.